



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Series Actorvm Omnivm In Canonizazione Sancti Thomae
a Villanova, Cognomento Eleemosynarij**

Romae, 1658

Bernardinus Episc. Pr[a]enestinus Card. Spada.

urn:nbn:de:hbz:466:1-9857

liberalitatem à prima ætate ad extremum usque vitæ diem munificè exhibitam, qua ut foeneraretur Deo, miserebatur pauperum; & quam par est Ecclesiasticæ Hierarchiæ Præfules omnes imitari, ut nempe quotquot potestatem habent, verè benefici sint, atque vocentur. Vtrum igitur Thomæ Archiepiscopo Valentino, quem Diuina fruentem Beatitudine dudum colimus, Sancti appellationem, & appellationi parem cultum decernere conueniat; sicuti deliberamus adhuc Cœli implorantes oracula; ita vestras quoque sententias, Venerabiles Fratres, perlitter exquirimus. Ad Suffragia.

Post hæc, federunt Prælati, & singuli Cardinales suas sententias in hæc verba dixerunt: initio assurgentes detecto capite, ac postmodum tecto capite sedentes, videlicet,

Franciscus Episcopus Portuensis Cardinalis Barberinus.

IN hac veterum Conciliorum Romanorum vera imagine, par loco negotium de Cœli arcanis reuelandis proponitur. Thomas de Villanova sanctus in infantia, & adolescentia virgineo; qui nunquam emarcuit, flore decora, in Augustiniana familia, & in ipso Archiepiscopatu Valentino, ad quem recta via, hoc est, vi pertractus fuit, tam diuini verbi, quam sacrarum opum dispensator fidelis inuentus, & ab omnibus agnitus est. Quamobrem, qui priuato cultu sanctimoniam eius colebant, votis, ac precibus impetrarunt, ut authoritate Sedis Apostolicæ liceret, imagines ipsius in templis radijs redimitas exponere, & publicè venerari. Reliquum est, ut additis miraculorum, & rerum præclarè gestarum probationibus, quas abundè esse existimo, eo oraculo, quo cœlestia nobis patent, & Christiana fide tenenda docemur, super cœlos gloria, & honore coronatum Thomam, Sanctitas Vestra definiat: quò eius inhabitet gloria etiam in terra nostra, & Dominus laudetur in Sanctis suis.

Bernardinus Episc. Prenestinus Card. Spada.

Inter alia, quæ me, de Beato Thoma coram Sanctitate Vesta verba facturum à dicendo deterrere poterant, illud est

præ-

præcipuum, quod videbam, loci temporisquæ ratione id suadente, pauca mihi de plurimis, ijsque præstantissimis eius virtutibus, esse delibanda; laudumquæ flumen abundantissimum, breui verborum ambitu coercendum. Quamobrem præstare mecum ipse putabam, nihil, quam pauca de illo iejunè, & exiliter loqui. Sed quando necessariò dicendum est, omnia dixisse videri poterò, cum dixerim, nihil admodum eorum desiderari in hoc Dei famulo, quorum causa post obitum, non nullos, tanquam compertæ sanctitatis viros, æternæquæ Beatitudinis certò compotes, sancta Sedes Apostolica Catholicæ Ecclesiæ colendos, inuocadosquæ proponere consuevit: id quod eius vitam, vel obiter lustranti apparebit. Siue enim quis in teneris cum aspiciat: siue mox Religiosæ familij alumnū consideret: seu demum populi Præsidem, & Pästorem intueatur; in omni genere virtutum excellentem videbit. Egregiam verò atquæ incredibilem erga Dei pauperes charitatem, & misericordiam, ubique non sine ingenti admiratione spectabit. Neque verò desunt cætera, quæ ritè, & rectè, hac occasione requiri solent: longissimi temporis nunquam interrupta de illius sanctitate opinio, multis, magnisque miraculis confirmata: populorum præclara, & constans deuotio: Regum, ac Principū humiles ad Sæc. ^{tem}V. ^{ram} transmissæ preces: nostrorum denique temporum difficultates, & angustiæ; quæ, multiplicatis apud Deum intercessoribus, opportunè postulant subleuari. Quæ quidem omnia, Beatissimæ Pater, co-gunt me, in eam sententiam descendere, ut sanctissimo Viro Sanctorum cultum solemniter decerni posse, ac debere, constan-tissimè censeam.

Julius Episcopus Sabinen. Cardinalis Sacchettus.

Quis dubitet, Beatissime Pater, honoribus, & laudibus efferendum esse Virum, quem ipsæ sacræ paginæ exquisierunt, ut laudarent? Beatus enim Thomas est ille expetitus Vir, qui post aurum non abiit, nec sperauit in pecunia thesauris; qui que non pecunias folium, sed etiam omnem sup-

pel-